

皇明末造錄

皇明末造錄二卷余得之於澆肆有常熟翁  
瓶生跋核其字蹟非真也當為仿校仿鈔攷  
是錄江蘇省國學圖書館書目有舊鈔本謝國  
楨既明史籍考云麗樹柏龍禪室撫談日記永曆  
入緬甚詳別史之佳者世無刊本轉鈔於杭州丁  
氏嘉惠堂丁氏之書歸於江南圖書館麗氏所刊則  
即今館中之舊鈔本也今卷後書目以今錄為  
全錄者此也然則約跋所謂潘伯寅藏有是本  
系盧雅宜兩手鈔者又為丁氏舊鈔之所自出矣  
是錄本於今夏細讀不特於永曆入緬備載而明季

已酉以後事實其在東南者皆可得其概是善是惡  
是具不待論言簡而事該全氏創、董氏定、忠愛  
見於楮墨誠良史也而杜杜復不詳後再致、

壬午秋七月約園題

皇明末造錄 上卷

舊京孤臣金鑑編輯  
海濱遺民董本劑定

東南紀畧

乙巳弘光元年春正月朔百官朝賀夏四月清兵南犯督師  
史可法分兵禦之斬首數百級提兵乙邦奇戰死邦奇  
舊隸黃得功麾下拔之行伍中者二十四日清兵攻圍  
揚州血書請援兵不報城陷督師內閣大學士魚兵部  
尚書史可法死之原任兵部尚書張伯諒被執不屈自  
踴死妻楊氏妾郝氏同死五月初十日清兵渡江  
帝出幸官民奔竄京城失守十一日吏部尚書張捷都御

史楊維垣自經死。妾朱氏、孔氏從死。十二日。欽天監挈臺官陳于階自經。是日。

駕駐太平府城外二十里。十三日。

上幸靖南侯黃得功軍。先是左良玉出徽清右側。引兵東犯。得功奉命西拒良玉。清兵因得過江。是時得功駐師蕪湖。上猝至。得功知大事已去。慷慨赴闕。降。清叛將劉良佐引寇兵追至。伏弩射中得功喉。得功拔劍自刎死。

帝陷寇軍。尋遇害。尚中軍翁之琪投水死。刑部尚書高傑。戶部郎中劉成治。自經。署中十八日。國子監吳可箕。經死。雞鳴山關廟中。二十三日。中書舍人龔廷祥。役秦淮水中死。中書舍人陳煥。及其子舉人伯俞。戶部主事吳

盧作嘉盾

仕亂同日死。卽尚書錢謙益。薙髮叛降于清。有小瑞  
死于秦淮河。乞兒死于百川橋。乞兒題詩橋上云。三百  
年來。蒼士朝。如何文武盡皆逃。綱常留在卑田院。乞丐羞  
存命一條。六月南直隸郡縣皆陷。武進原任御史劉光  
斗。卽卽莊應會。叛迎清兵入城。曹扇者。欲敬竹。布衣石  
士鳳。同投池中死之。又一鄉民賣柴入城。聞寇至。棄柴  
船。躍入龍游河死。五牧畜。耕鳥薛叟。自縊死。諸生董元  
哲。不食死。江陰縣典閹應元。陳明遇。邗州戚勛。貢士黃  
毓琪。倡義偕士民起兵。城守延敵百戰。斬清帥兩親王。  
馬步兵十萬餘級。堅守百日。力竭城陷。閹應元。陳明遇。  
戚勛。合門死之一城士民皆殉節死。蘇州諸生顧所受。

高制出靈作瑞島

盧作佳蘇

正冠服哭文廟投泮池死原任少詹徐沂投虎丘後池死原任游擊曹之興及韋武鑑戰死嘉定原任通政使侯炯曹子城破時與子諸生侯玄演玄潔俱抗賊死進士黃淳耀與兄淵耀及舉人張錫眉龔用周俱自盡宜興進士盧象觀起兵太湖與清兵力戰死常熟諸生徐懌自經死諸生項志寧不食死諸生徐守質戰死崑山貢士朱集璜城破被執不屈死故將王公楊年七十戰死諸生陶琰自刎死原任狼山提兵王佐才為寇兵殺死一家老幼俱被害松江原任中書李待問博羅知縣章簡城破死吏部主事夏允彝投水死提兵吳志葵黃蜚與賊戰敗被執不屈死華亭教諭陸明允不屈死常

雲作大學士

雲作石麟

州諸生吳福之、徐安遠、張果入太湖起兵，戰敗死。諸生張龍文率鄉兵薄城，戰死。清兵至嚴寧，原任兵部侍郎金聲督師戰守，兵敗，與武臣陳有功、余元宣、萬會、吳國禎被執，不屈死之。時太學黃道周自閩中率師來援，兵敗被執，送賊。洪承疇欲生之，罵賊而死。清兵陷嘉湖，吏部郎中錢棟戰歿，原任吏部尚書徐石麟自縊死。其僕祖敏、徐錦同死。寇至杭州，原任行人陸培縊死。劉塘知縣顧廷建不屈被殺。知縣梁于瑛亦死。前所遣使臣左懋第在北州江南陷，七日不食，清攝政王相見，懋第蘇水孝中草屨，向上長揖，南向而坐，攝政致以五罪，懋第正辭厲氣答之，惟請一死。攝政惱，令崔襲堅執不可，于閩



江盧作函

六月十九日害之。從容題絕命詞云。峽坼巢封歸路紆。  
片雲南下。如何寸井冷。鬼消難盡。蕩作寒烟。抱不磨。  
參謀主事陳用極。將學王一斌。張良佐。王建佐。劉統。五  
人從死。忽風起沙飛。棧市棚于雲際。一時罷市。消兵後。  
杭州欲窺錢塘江。大學士高弘圖不食死。左都御史劉宗  
周不食死。有詩云。留此旬日死。少付匡濟意。決此一朝  
死。了我平生事。慷慨與從容。何難亦何易。紹興進士鄭  
之尹子謙。募兵二萬人。參將張名振。縞素以張煌言。  
金鍾為參軍。台右都督王之仁。御史朱長倩。李長祥。及  
鄉紳方逢年。余煌。王忠任。柯夏卿。謝三賓。陳督夫。陳誼  
輝。孫嘉績。熊士康。沈廷揚等。陳兵借餉。刻日集師西興。

廣作遺錄  
卷之四

江上共圖恢復中原。閏六月，名振刺赤心報國四字于背，自石浦帶兵三千，合新募萬人于十七日至蕭山。各紳士或帥師千人，或三五百人，不期而集者三萬五千人。合鄭謙等共得兵六萬四千，先至錢塘江東岸。以次都御史祝彪往，我政張國維、都御史朱大典、荆本澈、提兵方國安、賀君瑤各率兵至。黃斌卿以整脩駐師舟山。未至七月初旬，馬士英帶舟兵千餘自南京逃至，卿紳吳鍾璽、錢肅樂、朱永祐、徐孚遠前後率兵至。當是時，西興合兵十六萬人，沿江百餘里，分布三十六大營，群壘相望，旌旗蔽空，共立

高皇帝十世孫以海監國于紹興，以次年丙戌為監國元

年、文臣自原任、戎政尚書張國維、禮部尚書余煌、提漕  
都御史朱大典、都御史祁彪佳、荆本徽等、武臣自原任  
提兵王之仁、方國安、王鳴謨等、封賞有差、張名振、封富  
平伯、鄭謙、尊封義興伯、並賜金花錦緞羊酒、以先衆倡  
義起兵也、命張國維為督師、其子世鳳、授平西將軍、御  
史陳潛夫、加太僕卿、監視諸軍、張鵬、其以提兵封永豐  
伯、守衢州、馬士英、阮大鍼、以所部隨營安插、士英等猶  
希用、原任九江僉事王思任、與書云、政本閣臣、可以走  
乎、兵部尚書可以逃乎、又云、致令乘輿播遷、社稷丘墟、閣  
下謀國至此、即喙長三尺、何以自解、又曰、吾越乃報仇  
雪耻之鄉、非歲垢納污之地云云、衆議驅逐其人、八月

清樞督張存仁巡撫蕭起元今百姓難爰難民逃竄隔江男女爭渡溺死者甚衆寧紹紳士欲絕錢塘之渡以防奸宄富平營監軍御史金鍾謂清以數十輕騎踰黃河渡長江是必有一軍走襄陽武昌自上流而下需吏替于江南而後敢議闔吾浙剽掠貨財收降將卒多人寇性猜疑此時計得之心不勝患失之慮今當任從士民渡江來歸尚可三兩月無憂當來彼大勢未定收拾杭嘉若徒以心興一隅為守吾恐清人守杭既固則越閩勢阻與江南中原接息隔絕非上策也且還有進士吳易共義民沈萬良及提兵黃蜚起兵于太湖相為接應周旋甚易過此則無及矣衆然其說方國安以所

部兵五萬守嚴州錢江上流張鵬翼以所部兵萬人守衙  
州王之仁以武寧伯統水師共名振水陸兵守馬興要  
地時

思文帝亦爵命黃斌卿領兵八千水艦百號沙唬二百來  
舟山防海上曾無一人率先過杭岸及八月隔江清兵  
始立五營兩岸矢石交攻是月復於潛先是七月復富  
陽九月九日名振率兵五千過江臨陣先登斬首五百  
級追至城下次日荆國公方糾安率兵一萬過江清兵  
三門並出自辰至午互有殺傷十五日螺蛳門外一紫  
水將乘騎指揮安營名振令右營點放大砲連馬擊碎  
接放大銃數十水陸並進遂斬首八百五十級清兵入城

銓  
任  
任

閉門十餘日、竄無一人至江岸、十月初旬、叛將田雄、張杰、合清兵五萬餘人、列十三營、外立木城、督師張綱維、于十一日、率總兵王國斌、趙天祥、接應追戰于草橋門、忽大風雨、火砲弓矢不得發、遂收兵、前監國既立、閏六月十五日、總兵鄭芝龍、鄭彩、及福建巡撫張肯堂、督學銓等、擁立唐王即帝位、改福州府為天興府、以布政司為大內、改元隆武、至是傳詔至、急富貴者多欲赴闕、而人心始紛、矣、始名振自石浦至台州、請晉王如紹興、至是監國下令返台州、士民愈惶、張綱維疾馳至紹興、議者謂唐王祖、初封南陽王、以父死而失、定于祖、兩姓互謀奪嫡、未請名、及王祖、端王亮、守道陳奇瑜、知府

唐書

王之桂為之請嗣後以統兵勤王違祖制擅離南陽銅  
高墻赦出惟魯王始祖以

高皇帝第九子封于兗州世未有過削奪序位序親皆宜  
立且宗社愛起愴條當主監國時越國微息阻絕原未  
計及聞之有唐王而閩人立之也于是周維上疏于

思文帝謂國當大愛凡為

高皇帝子孫所當同心併力成功之後入閩者王監國退  
居藩服若以倫序叔姪分定在今日原未假易且監國  
當人心奔散之日鳩聚為難一旦而拜正朔鞭長不及  
馬腹猝然有變唇亡齒寒悔莫可及臣老臣也宜若朝  
秦暮楚之客則貴國急功名而妄計天下大事者乎疏

上、人心始定、

丙隆武元年、自正月、至三月、西興各營、久守懈怠、武寧侯王之仁、富平伯張名振、各上箋監國、言始事之日、人人有直取黃龍之心、數月以來、竟欲以錢塘為鴻溝、天下事尚忍言哉、臣願以所練兵將、沉舟一戰、今日欲死、猶戰而死、他日即死、恐不能戰也、三月初二日、清兵開壘、以船入江、張國維王之仁、張名振、各統所部水師、從江心進戰、是日東南風大起、之仁等揚帆奮擊、張國維督諸軍渡江、名振率陸兵三千、先登臨陣、直抵草橋門、清兵死者、蔽江滿岸、會

上使陸清源、賁詔至江上、犒師、馬士英、暖方回、安新清源、



富平監軍師史金鐘聞其事，促陳潛夫往方營止之，而自往背師陣前，急言其事，取令救清源。乃士英已促歸，安殺清源于江，且出檄文斥。

上過，是時士英蓋憤監國不用之故，唆殺清源以起爭端。名振曰：「獨自此始矣。」于是急請監國遣提兵陳謙，行人林塗入闕謝過。

上怒，下廷議皆下獄。時有御史錢邦芑以私事仇謙，密奏謙為魯王腹心，與即芝龍至交，若不急除，恐有內患。或以告芝龍，芝龍謂刑人必經其門，臨期救之，未晚。不料邦芑促內傳片紙于夜半，別移謙他處斬之。芝龍伏尸足極哀，葬謙為文以祭，自是怨。

上詭稱海外倭寇至、非急征不可、拜表即行、手勅留之、不聽、盡撤守、閉將施福等還安平、而閩事不可為矣、時名振等日攻杭州、至四月、堅不能下、月終、清貝勒令將曹存性、李呈芬、田雄、張杰、李成棟等、統漢兵五萬、歸固山、張存仁、黃熙胤等、統漢兵三萬、兩岸攻打、砲聲晝夜不息、是時浙東以朱大典、拒督金衢、張鵬、鎮嚴州、方國安、兵八萬、名振、兵四萬、王之仁、兵三萬八千、祁訥、尊、兵四萬、張國維、子世鳳、荆本微、亦各兵三四千人、合各偏義師、凡三十餘萬、來自紹興、西至江上、上自嚴州、下至海口、兵馬絡繹、營壘烟火不絕、總兵劉泰、泰羅、賊方、相望于道、兵民雜處、于是監國議、抽兵屬國、維西征、以禮

部尚書俞璉、兼兵部督師江上、清兵走江岸、以大炮擊西興、碎方國安、餓困安曰、此天奪吾食也、更念

上曾以手勅相招入闕、即不支、便道可由西粵以入滇、然五月廿七日夜、遂拔營走入紹興、以兵剗監國南行、至廿八日、諸營望見、謂錢江失守、一時驚潰、鄭謙導入海、廿九日、惟武寧侯王之仁、富平伯張名振、兩軍尚在、國維等泣曰、壞天下事者方荆國也、六月初一日、清帥貝勒驅滿漢兵十餘萬渡江、名振知大勢已失、乃與國維振旅、追扈監國、令戰船下海、至舟山、石浦、芝海、三處屯聚、名振等至黃石岩、方國安馬阮以兵斷所過、檢閱安士、英決意作亂、叛降于清、時侍衛監國者忽病、建監國

付脫。全名永壽。傳命國維以所部防阻四邑。遂過東陽至石浦。時六月十八日也。廿五日。清兵陷義烏。衆勸國維入山。國維曰。誤天下事者。大山也。一死而已。作絕命詩三章。一自述曰。朕雖百戰戴吾君。拒賊辭唐氣。屬雲時去。仍為朱氏死。精靈當傍孝陵墳。一令母曰。一縕織。塵不挂胸。惟哀老母。暮途窮。仁人錫類能無慮。存歿衛恩結草同。一訓子曰。夙昔詩書暫鼓鉦。而今絕口莫談兵。答曰。若肯施存恤。來木全身答所生。從容具衣冠。赴圍池死。原任蕪松巡撫都御史祁彪佳。赴池水死。興國公王之仁。載其妻妾。并兩子婦。幼女諸孫。盡沉于蛟門下。捧所封勅印。北面再拜。投之水。猶至松江。我

冠登陸、百姓駭愕聚觀、入應天、見逆賊洪承疇、云：我乃  
大師興國公、來死于明庭、承疇接祀、勸難爰不從、八月  
十五日至西市死之、兵部侍郎陳函輝、天入雲幕山中、  
作絕命詩八首、曰：生為大明之人、鬼作大明之鬼、笑指  
白雲深處、蕭然一無所系、子房始終為韓、本姓生死為  
魯、赤松千古成名、黃蘗寸心獨苦、父母恩無可報、妻兒  
面不能親、落日樵夫湖上、應憐故國孤臣、臣年五十有  
七、回頭萬事已畢、徒慚赤手擎天、惟見白虹貫日、去夏  
六月廿七、虛度一年世法、但徹心內春秋、莫問人間花  
甲、斯盡一生情種、獨存性地靈光、古衲共叅丈佛、麻衣  
泣拜

高皇手著遺文千卷尚存副在名山正學焚書亦在所南  
心史難刪慈業降生文人此去不留隻字惟將子孝臣  
忠遺與世間同志人自作祭文一埋骨記一從容笑語  
局戶自經死禮部侍郎王思任不食死太僕寺少卿陳  
潛夫偕妻孟氏妾孟氏沉河死兵部主事葉汝菴與妻  
王氏同溺死兵部主事高傑絕食死子諸生高朗赴水  
死通政使吳德魯不難爰死原任山西僉事鄭之尹沉  
水死諸暨諸生方炯山陰諸生朱瑞赴水死蕭山諸生  
楊吉門自縊死醫士倪舜年危坐磁缸內命人掩覆而  
死總兵張鵬翼提學御史王景亮被執不屈死清兵至  
金華大學士朱大典固守攻月餘不下用紅衣砲破之

盧作衡

大典合門縱火焚死。定海副將張國柱叛降。七月，叛將張國柱合清帥韓固山、胡勝兆自松江至舟山，兵三萬，舟楫六百，圍黃斌卿。戰橫水洋，斌卿敗，求援于富平伯張名振。名振令湯胡伯阮進往援之。進率七水船、兵八百人，先以四水船為主營，次以三水船。張帆衝浪，清兵直入，清兵沙吮船當之者，立沉碎三十餘隻。賊後連發火砲，碎戰船二十餘，又擊敗走五大船，逸去數十餘里。進顧兵士曰：「吾當追而及之。」須臾果追及，碎之。惟一船遁去，回帆再戰，更沉四十餘舟。至夜，清二百餘舟收入夾港，阮退。次日，以水船往返港口，砲無虛發。港內如葫蘆，無出路。盡碎其舟是役也。清兵尸浮蔽港，帶甲死者

二萬餘人。八月初二日。清帥貝勒起兵入關。仙霞無備。十一日直犯浦城。科目黃大鵬。按日鄭為紅噴血大罵。被殺。都督洪祖烈。千戶張萬明。及子魁高。同日殉。鄭清兵且及劍津。

上決計幸賴。于廿一日起行。顛覆時。猶載書十車以隨。廿九日。次瑞金界。陷清軍。回至福州。遇唯崩。曾皇后殉難。閣臣朱繼祚。黃鳴駿。俱被害。九月。舊閩。且何吾邱航海至粵。書致撫督丁魁楚。述

上之安。因言。即今永明王。歸由柳。

神宗皇帝第五子桂王常瀛之次子。初封永明王。兄安仁王由棖薨。知府嚴象恒請立為世子。先是崇禎十六年。



廣作虎符

卷之五

猷賊陷衢州。巡按劉黑祚遣官護送入粵。弘光九年。父桂恭王薨於蒼梧。今序親序賢宜立。於是丁魁楚與之撫翟式報巡按王化澄。舊侍郎呂大器。黔督李永茂。江撫周光夏。宗臣朱容藩。司禮內監王坤。龐天壽。給事中程源。御史李庸品。文選主事吳貞毓。道臣林佳鼎。恭議程炯。庶吉士方以智等議立桂太妃王氏曰。吾子仁柔。其才不足以撥亂。諸君子宜更擇諸親藩有雄才大畧。英明仁勇者。何患乎無哉。魁楚等于十月癸酉朔上箋。以次丁丑辛巳三上箋。遂以十四日丙戌稱監國于肇慶。以丁魁楚為兵部尚書。翟式報為吏部尚書。朱大學士同典樞務。王化澄提督兩廣。湯來賀督南韶。呂大器

盧本任治以  
後並同

盧本任奇廣

去之點李永茂入山守制巡按顧之後亦去陞布政顧  
元鏡戶部侍郎回廣查糧餉兵科給事果應奇加侍郎  
往催餉肇慶知府朱詒憫加光祿少卿巡嶺南故相蘇  
現生督師援賴駐南安不敢進是月初四日清兵陷賴  
州閩部楊廷麟監軍馬九吉御史姚奇陰主事龔泰恭  
逆球皆死之蘇現生撤兵回南雄丁魁楚聞報含惶  
奉監國走梧州蘇現生使陳邦彥勸進因復回肇慶十  
一月隆武

帝弟聿錫浮海至廣州現生自南韶回廣又與顧元鏡提  
兵林察等謀立之曰吾君之弟也竟立為帝改元紹武  
置六部使人招海洋盜寇鄭徐石馬四姓授以提兵與

肇慶相拒其時預誅者惟廣東道府有司新聞舊臣無  
一人既而廣之後至者皆反自肇慶來繫於獄多致之  
死監國在肇慶十一月十八日庚申即帝位以次年丁  
亥為永曆元年使彭耀赴廣諭蘇現生被殺因以林佳  
鼎提督兩廣統兵龍脩蘇聘李明忠東征廣州之不  
當立位鄧者兵至三水佳鼎故粵中監司與林察同姓  
相善察使四姓盜詐迎降佳鼎信之舟至三山口亂作  
全軍俱沒佳鼎龍脩落水死蘇聘汶水逃煥自此兩廣  
各守界不通

上初在城外舟泊河至是入肇慶駐蹕尊父桂王

實不作為天子  
皇考端皇帝尊太妃王氏生母周氏

既一嘉字

皇太后冊立妃王氏為后尊臨隆武廟鄉

思文愍皇帝改丁魁楚戎政尚書王化澄兵部尚書代林

宣化府知府

佐洪賢師起李永茂為大學士知經筵改度督董天閑

北關

戶部尚書陞舊江撫周光夏左都御史劉廣微刑部右

侍郎西撫晏日曙刑部左侍郎懼知府李用楫禮科給

廣化縣知縣

事周尚翰兵科給事知州許兆進戶科給事平樂推官

久化反

方經吏科給事知府童琳久知州潘應斗知縣馮琬蔣

元達各御史以保境安民皆有惠政者起龍大維為文

選以舊在銓司特用之又用張佐宸為驗封主事式郭

以閩人林銓預史策奏請為吏部司務命御史王畿因

往雷原高三府奉廷泰往桂柳原闕來御史錢邦芭往

四方各處方十二月命大學士瞿式耜往峽口犒師以  
崇汝楫為監義師副使湯來賀繳未用錢糧并冊至肇  
慶不納來賀望城拜辭去來賀原奉

恩文帝練兵于粵募得五千人及奉命往南韶去未到任  
聞汀州變又廣成立紹武遂上書到肇有云讓為上和  
次之爭斯下矣至是且率兵來繳冊故魁楚式耜疑來  
賀為廣東所用聞城不納來賀遂走廣寧匿徭洞山中  
後不知所往大學士李永茂罷官去吏科疏陳某龍大  
准在

烈皇帝時以貪敗今裝職益甚因逮于獄以朱憺憺提督  
兩廣海道洪天擢撫高雷又以巡道曹燁撫廣西俱陞

右副都御史差給事李膺品往湖南衡永等處宣諭吏部尚書瞿式耜自峽口回、復粵人之在廣州、雖是者、於十二月清巡撫佟養甲、總兵李成棟由閩趨廣、潮惠俱陷、潛師襲廣州、十五日、警報至、適現生叱曰、潮州公文昨暮到、清兵何自來耶、移時清騎抵東郭門、守者誤以爲海上招來兵、呼問之、叱覺而城門不反閉、擁入援城、以引外兵、現生急調兵、兵四出、焦採、倅離集、僅得數百人、被擊皆敗走、于是清兵全營入城、唐王被執、適現生自縊于朝堂、祭酒梁朝鍾、太僕卿霍子衡等死之、佟養甲令置椅請唐王坐、王曰、豈就汝犬羊之座、又進乳茶、曰、不食腥膻之味、是日王自縊死、在城趙鄭周益連五

王并宗室二十四人俱及于難。報肇慶式招諸守峽口。  
王坤以為不可。乃以朱怡始間為兩廣總督。守肇慶二十  
二日。

上幸梧州。百官從行。

丁永曆元年正月朔日癸卯。

上受朝于梧州舟次。是日天氣晴和。雲成五色。百官萬民  
無不惟悅。以周鼎瀚劉湘客為編修。克日誦官。陸方以  
智左諭德。逆臣李成棟分兵自詔。寇肇慶。朱怡始間退走。  
丁魁楚往岑溪守險要。王化澄走潯州。二月。

上在平樂。肇慶亂。民競監軍御史鄭研聰。李成棟兵犯梧  
州。巡撫曹煒叛降于城外。丁魁楚未至岑溪。舟次藤江。

虛作大福

為賊兵所殺成棟副將楊太福張月犯高唐雷三府方以智于路適入平樂山中三月

虛作錦家

上入桂林遣使往湖南慰勞督師之興矣何騰蛟趨其兵入衛微舊閣臣四川文安之雲南王應熊又以周堪賢郭都察劉遠生為六卿丁特選金堡等為給事清巡撫佟養甲在廣州改叛臣學道袁彭年為布政使羅定道王子為按察使海道張調鼎為學道布政使猷忠為廣西巡撫都司胡曰恭為糧道鹽道李光垣守道潘曾瑞海道楊錫璜惠潮道李文瀚道于車玉監軍道楊威俱

清師虛作清師受清師另勒委任是月

上在桂林聞平樂亦陷欲幸全州會試岡州提兵劉永祚



以兵至全州、內監王坤請赴之、暨式拒堅留、不久、因自  
請保守桂林、尋以提兵焦璉、統兵八千至、協式拒戰、守  
相機恢復、當是時、清帥屠蟄螯、自廣、越粵、已至平樂界、  
以式招募吏兵二部尚書、焦璉為都督、封陳邦傳恩恩  
矣、守昭平、魏豹為清東將軍、出鎮海上、封劉永胤為安  
國公、錦衣指揮馬吉翔、嚴雲從、郭承吳等、皆為伯、御史  
毛鶴登、爭以為不可、吉翔激承胤、脇

上杖責登、并吳德、黨萬六吉、劉湘客等、從官多人、以為謀  
官言事乃盜賊、非趙祖、論救得免、承胤以兵三千、遣標  
將援桂林、自奉

上幸武岡、以巡撫嚴起恒為大學士、清兵陷平樂、陳邦傳

盧江賊仲明

走慶遠防封舉人黎猷、叛迎寇于平樂道旁、羅髮、至桂林城外招降、不敢近城、即遁去、左江潯州皆陷、于是武宣、象州、遷江、橫州、永淳、南寧、武緣諸處皆不守矣、式紹請以靖江王幕客王之梅為監軍道、同守桂林、清兵圍攻甚急、式紹與焦璉悉力守禦、武岡援兵以乏餉、遁去、尋因陳邦彥以甘竹難、余龍兵萬五千人向廣州界、戰李成棟兵七陽朔、自奔兵東向、未幾而學士陳子壯、張家玉兵俱起、復東、光高明等縣、成棟往來追擊、不敢西犯、桂林稍定、是時降清逆賊孔有德、耿仲明、尚可喜、三人各統兵犯湖南、之興侯何騰蛟、郝永忠等、退保衡州、張先璧走寶慶、湖北巡撫堵胤錫、退保永、之衡、忠、身營

李赤心等攻荊不下，遂退向歸州。巫山馬進忠、王有才等走入五溪山中。先是，劉承胤在武岡，受何騰蛟節制。騰蛟以藤溪之捷，請加都水忠援勦左將軍張光壁、右將軍承胤心悅之。今以長沙提兵王進才兵與督標兵，因市物爭鬪，焚劫而散。提督何騰蛟家丁植之登舟走至安仁，衡州府與國州知州章璠兵自平江走寶慶，王進才走辰州。狼兵營提兵車過春，至寶慶索餉三千，不守寶慶而入粵。承胤全以罪歸提督，請解其兵權召入光壁等各抗論，承胤再植，騰蛟以國事大義解之。時上在全州督餉，侍郎于元燁奏議鄭元、御史傅作霖俱以迎扈至。是年七月，浙閩雷平伯張名振、齊構清提督吳

勝北、巡撫土國寶、為力援、共圖恢復江南、名振以海艘  
千艘、水陸兵十萬、約期齊舉、舟泊崇明、為颶風壞舫、溺  
六萬餘人、名振回舟山、吳勝北謀泄、父子皆死、劉承胤  
勅王坤、叱唐斌、周昂、瀚于

唐氏先聲

上前、明日詔王坤于永州安置、承胤聞張光壁至寶慶、憂

別字作測

甚、乃從讀、命騰蛟督諸鎮守衡州、五月、清兵犯衡州、柳  
承忠等俱戰敗走、提兵黃朝選被執、提督之興、侯何  
騰蛟、退守永州、湖南巡撫章繼、卒于永安縣、城守者滇  
將趙印選、胡一清、守、叛、陷湘潭、提兵王乞成、走長州、劉  
陽、提兵童英、叛降清、衡州標鎮武自強、掠官衙民舍、剽  
府庫、走永州、路遇盧嵩、標奪自強所掠輜重、八月、清兵

犯竇慶劉承胤拒戰敗城陷使人報武岡而叛降于清

馬吉翔等請

上夜幸靖州由通道縣入縣境出古泥以達柳州時有土  
司覃鳴珂與守道龍文明相攻遂大掠柳州鳴珂乃副  
將覃遇春之子初遇春使河騰蛟于湖南清歸入桂林陳  
兵索餉式報騰蛟惡之比至柳州龍文明承旨撫檄佯  
與遇春飲解散其部曲枕遇春至桂林誅之及

上至古泥鳴珂訴其父冤使行者詳不詳始末遂云不知  
鳴珂率衆苗兵攻文明文明敗走入柳州苗兵大掠于  
城矢及

上冊中

盧仁才樂廣

上幸象州。清兵在湖南。永州六陷。郝永忠、盧鼎等俱至桂林。何騰蛟嚴起恒、劉湘客皆至。與留守瞿式耜分地。俾諸將自為守。式耜躬先督兵。攻復陽朔。及樂平府。陳邦傳、山賓州。復潯州。合兵復梧州。于是全省俱定。請車駕回桂林。十一月。

盧本千補寨  
振

上由象州至桂林。瞿式耜嚴起恒、王化澄並相。騰蛟督師出全州。王冲、龐天奇掌司。札監事馬吉翔。千崇、崇振封。吉既振兵。胡長蔭、明伯、王化遠、江寧伯。

孫永曆二年

茅上靈作肅王

上在桂林。百官朝賀。先是清帥蕭王統兵于丙戌。冬至漢中。猷賊守將劉進忠降之。問猷賊所在。進忠云在順慶。

王應熊虛傳上  
第五

之金山舖、為西克盛亭二縣地、去此千四百里、疾馳五晝夜可到、賊賊初以進忠守朝天關、不意有清兵來、且歲暮、而前驅水甲皆進忠人、同一色、進忠入營、與清將善射者俱指而示之、一天中、賊賊有頭、逃伏不見、執近侍詢之、乃于積薪下曳出、亂刀斬之、賊賊既死、其下李定國、孫可望、諸將、各潰入滇黔、至是一載、楚蜀不通、前延閣臣文安之王應熊、俱以道阻未至、陶可義陷瓊州、洪天懼以舟走入雷港、被執、送廣州、修養田、用為海道、二月、雲南土司沙定洲、與妻萬氏叛、詐稱焦璉兵夜襲省城、黔國公沐天波走楚雄、蓋因璉係天波之母、東城中數望其援、而沙詐稱連兵、夜猝至、棄城無防守而入、

宣和元年  
將軍

洱海道楊畏知與天波守楚雄賊東平將軍孫可望知沙兵追天波於楚雄詭稱援師由貴州魚程于三月十八日屠文水二十九日屠曲靖定洲辭圍走阿迷州過可望于蛇花口定洲敗率潰兵守洱草屯可望遂取雲南及各府屬楊畏知率兵五千迎戰祿豐縣之啟明橋被執逼降畏知不屈可望素知其名因約與尊朝廷保全雲貴生民畏知遂共約誓因不死然與可望抗札不少屈時逆賊孔有德等三人各統兵入粵郝永忠兵潰於興安入林桂大掠

七夜半出軍何勝蛟在永寧聞警馳歸與武邦共調諸鎮兵入城守焦璉胡一清等各率所部至三月二十四日



虛作統新

虛作平章王克能

清兵至桂林北門，騰蛟等拒戰。清兵自甘棠坡退去。是時江西金聲桓起兵殺偽撫，按復衣冠以拒之。故有德等撤兵回楚。孫可望至大理，差人往永昌招黔國公沐天波。天波向道府索印，遣子往署道。推官王開運署府通判，劉廷標皆不付印，自縊。天波遣子往見可望，可望厚待，款宴三日，令燎陰令劉文秀以曉騎三千疾馳奪湖滄橋。至永昌，執天波，燔並鄉紳龔真等，可望回省城。釋天波，曰：以汝一拓未附，故不殺。令月給俸優養。又召王開運弟洪運，以知府用，不屈，自沉於江。江西金聲桓王符仁，遣人間道上表，疏赴南寧翰疏。四月，皇太子生。王皇后出，孫可望自稱永平王，設官屬。劉文秀艾龍奇。

龍舟作史龍舟  
下回

白文選、馮雙礼等以一時無統、遂屬可望、仍各稱王公。  
李定國恃所部兵強、事多忤格、可望陰與馮雙礼于演  
武、規大開兵馬、數定國、遣節制、因細責服衆、定國聞而  
怒、自率所部兵萬人、往攻沙定洲、定洲據險、且納接教  
化車里老提十餘土司、相為救援、可望屢攻不服、定國  
一戰擒定洲并萬氏、歸于是、本邦老提各土司皆畏定  
國、而可望文秀皆憚之、楊畏知因以歸正、屢功可望、遂  
使畏知襲莫白、貴州普安、頂宮、向泗城、入粵、時武報急、  
璉已獲全粵、武康伯胡執恭奉命駐泗城、防滇寇、畏知  
言可望有歸順意、定國文秀以次至矣、其兵強將勇、當  
一鼓而收江楚、以北定中原、但非得一王爵、不可執恭。

唐書作六十餘萬

即璿命便宜招撫遂封以秦王爵長知輝可望悅率眾  
迎受其凱謝貢黃金五千名馬百疋長知等再至為守  
臣所阻多方陳說始達摩慶科且金堡等執不可并詣  
罪執恭收畏知長知奏可望等擁兵六千餘萬可搆以  
為用何惜一封勅以收人心乃反自樹敵乎

上是之許以公爵又因督臣堵胤錫請乃封可望平遼王  
賜名朝宗定國等為國公不知可望先已受秦王爵得  
撤渙黔矣事聞諸臣又論執恭矯詔罪執恭懼不敢入  
朝六月廣東李成棟未降成棟自粵回擊敗陳子壯張  
家玉等請陞為提督佟養甲陞提督成棟恃功不受節  
制又得金散拒密約遂割解復寇黨使人來投誠乃封成

成棟傳元曆

棟為恩國公、陳邦傳、虔國公、并金聲桓為棟國公。王得仁、佟養甲、杜永等為侯伯有差。成棟請移蹕廣東、式相請回桂林、眾謀肇慶居兩省之中、遂駐蹕肇慶。七月、拜成棟朔明大將軍、其子元蔭為錦衣指揮使。袁彭年為左都御史、彭年與成棟密謀歸國者。冬十月、楊畏知至雲南、孫可望改前封、不受詔、又禁定國、文秀等不得受公爵。定國諸人心衝可望。是時李成棟奉命攻贛州、江西金聲桓等已復南昌、胡長蘆王化遠、郭維京等同時響應、全省俱復。贛州為高進庫所守、毅桓得王得仁攻之不克、求助于成棟。比成棟兵出南安、而滑將譚泰統南漢兵圍南昌、得仁還救南昌、成棟戰不利、走屯南

傳作集

康縣十一月誅謀叛人佟養甲養甲投順為成棟所脇  
非其本意至是密使人通于清被獲而養甲不知其事  
泄乃使養甲赴梧州祭陵殺之楊柳舟中召舊輔臣何  
吾驥黃士俊入問益國魯王在昌國衛遣御史金鍾上  
書于

帝并請討清師期當是時定西侯張名休威虜侯黃斌卿  
保監國駐昌國城吏部尚書張肯堂禮部尚書吳鍾璽  
兵部尚書錢肅樂太常卿朱永祐給事徐孚遠李長祥張  
煌言廻替戰守而南直浙間警備沿海兵火不絕鄭彩  
鄭鴻達舟師駐沙埕劉中丞提福寧義興應龍張福霖  
陳玄石城王朱統結塞英六王完勛宣岳在四明姚

志章傳

志章在天目，陳九思、孫長明在徽寧，各聚衆數萬人，所

在戰攻皆違奉監國為救援。

五、永曆三年，清師譚泰寇南昌，攻圍日久，金聲桓告急。

上命何騰蛟堵胤錫、李成棟分道援之。兵未至，南昌陷。金聲桓王得仁死之。清師烏金玉入寇湘潭，馬進忠等敗走督師何騰蛟死之。二月，李成棟兵敗于信豐渡河，舟覆落水死。事聞。

上贈何騰蛟李成棟金聲桓王爵，設壇諭祭，以杜永和為兩廣總督，駐廣州。羅成雅鎮守南雄，茶陵忠貞營兵敗走道州入粵。總督堵胤錫以趙印還胡一清守衡州。三月，清寇衡州，胡一清等戰敗，胤錫退保道州。衡永二府

盧不作楊鎮

皆陷。孫可望又遣楊長知至，以請改封為辭，而定國等各具奏，同心擁戴之意。時艾龍奇已死，可望收其衆七萬餘人，勢益強。六月，堵胤錫至肇慶，加閩部，使招集忠貞營兵，與李赤心等出楚討清。冬十月，封黔鎮熊兵皮熊為匡國公，潘鎮義師都督王祥為忠國公，以防復也。十一月，督師閩部堵胤錫卒于軍。初，忠貞營入廣，李元蔭恐其為亂，請移楊大福駐封川以防之。赤心等既行，大福乃遽截其後兵五千入而東，焚掠四會，遂近震鸞。元蔭請召大福入肇慶，命魏豹繼殺之。亂始熾。是時陳邦傳鎮粵西，橫州徐鹿，鬱林梁士爽各聚兵據境，藉名保鄉土，實則為亂。邦傳不能制，聞赤心至，欲借以資裨。

歷與盟于平南縣以討彪等忠貞營兵遂散處賓橫二  
州境上居民苦之邦傳亦不能堪私率閩部之來調出  
楚也赤心等性銳之後既得安土不欲再出胤錫屢檄  
不應愛憤而死十二月逆賊孔有德尚可喜寇陷廣東  
羅戎耀自南雄遁歸是年春富平伯張名振海艘至鎮  
江金山

庚永曆四年春正月

上聞庾嶺失守問脩禦之策朝臣俱莫之對初七日

上登舟十四日韶州復陷十七日龍舟自肇慶發行留馬  
吉翔李元蔭居守二十六日舟至梧州駐蹕江上內閣  
王士俊以疾告歸二月清兵入寇圍廣州調陳邦傳高



必正東援。邦傳與東鎮杜永和構隙。且恐金堡與元蔭善。至是奏調赴梧。意在修怨。有迎合其意者。遂以他事論堡等。因械堡。及丁時魁。蒙正。蔡劉湘客等。言官達戍。四月。高必正至。時李赤心已死。必正代管營務。其裨將張良等。張四盾。一時病歿。必正疑邦傳藥死。邦傳六憾必正等。久據其境。乃陰使其將姚春登。結建土司以誅流賊。為名。會因馬騰雲。李永孚等調兵土司。遂相仇殺。必正歸罪邦傳。率所部兵西回。惟邦傳東出。駐師清遠縣。馬吉翔駐三水縣。俱現望不進兵。廣東被圍久。

上以城守功。加杜永和為某侯。七月。孫可望復遣使至。自稱秦王。疏以不願改封。請依前命為使。

上付在朝文武會謀。內閣王化澄、朱天麟謀為許之。便文  
安之。嚴起恒郭之奇謀為始。事要胸。日後矯誣竊美。將  
何底極。必不宜許。兵部侍郎萬翔掌樞事。兵科徐極皆  
主化澄謀。遂先行。七月。颶風傷稼。覆舟。求直言。郭之奇  
言風災由滇封也。前謀遂寢。時籍川黔者乞允可望之  
請。以通道西南。起恒難之。又內江楊鼎和王梧州亦力  
言主秦封之非。起恒悅。以鼎和為兵部尚書。轉劉光珍  
為兵科給事。而化澄之謀遂不行。冬十月。孫可望由雲  
南東寇。襲貴州。匡國公皮熊戰敗。走清浪。可望使白文  
選追執之。奪其兵。又使賀九儀將兵寇遵義。原篆師扼  
兵王祥與戰于烏江河。祥兵潰。自刎死。劉文秀兵陷嘉

盧作馬遺忠

定義師總兵朱輜、武大定迎擊，六戰六捷，遂斬文秀，誅於防禦。後文秀一戰大勝，武大定朱輜死之。舊西克巡撫李乾德以其父死于賊，曰：吾不可再辱，悉驅其家人，與其弟升德入河死。文秀已陷嘉定，遣盧名臣陷涪州。義師總兵李占春迎戰于群豬寺口而敗。忠州總鎮于大海力戰不支，放舟出夔峽入楚。文秀既陷諸處，還兵貴陽。前侍郎呂大器自粵歸，數載初恃朱武諸家兵欲圖匡復，至是知可望、文秀等雖有歸附之名，寔懷分據之意，遂遁入獨山州，積憤病疽死。于是張光壁、馬退忠等由湖南入黔，皆附可望。其勢益強，地與廣西積壤。十一月二日，清兵寇陷廣州。范承恩叛降，杜永和率舟

同麻日報

師下海、入瓊州、是月五日、逆賊孔有德兵陷桂林、留守  
大學士兼更兵尚書崖式振、提督張同慶、死之、初、長沙  
既陷、胡一清、趙印選等南走、粵衛承諸府皆不守、式振  
分佈一清、印選、焦璉、楊國棟等兵扼榕江、既而全州復  
陷、榕江兵盡潰、一清、印選走柳州、璉走修仁、國棟走甕  
遠、報至梧州、

上乘砲船夜發、比曉、從官踉蹌隨走、陳邦傳在清遠、聞廣  
州兵<sup>失</sup>子飛帆先歸、邀到從官于藤江、殺印、璉、璉、重  
英、許王鳳等、內閣王化澄、更部尚書晏清、走北流、路不  
通、馬吉翔、魏豹、李元蔭等、追及

駕于南寧、從官稍集、飢凍者甚多、括行李、并豹吉削所獻

得四千金給散之命胡一清趙印選率滇兵駐賓州

辨永曆五年

上在南寧三月使編修劉蕤赴貴陽封孫可望為吳王至平越不得入先是以未允奉封可望不悅曰古來遇亂世祿帝祿王者不知凡幾王莽曹操司馬炎難道不是做得來楊畏知從容向可望曰但是假終不若真足以服人心耳可望終不悅畏知因請再至南寧議之可望使蜀九儀張騷張明志等率兵護送寔令求阻封者甘心焉九儀使人散楊鼎和于崑崙關與嚴起恒議下合即舟中殺之投尸于水流三十里有帛負之置岸而去劉克珍吳需張載述等同時被害

上不得已。夏五月。更封可望為秦王。遣賀九儀賁冊室去。  
楊畏知劾九儀賊殺大臣。六月。

上召用畏知。加礼部侍郎。入閣辦事。可望既受秦王爵。乃  
偕用黃鉞白旄。怒畏知劾九儀。使指揮鄭國以兵扼畏  
知回黔。畏知見可望大罵逆賊。終不可有為。取頭上巾  
情擲其面。可望殺之。李定國劉文秀收畏知尸葬之。共  
恨可望之強橫不止矣。九月。陳邦傳報降逆賊孔有德。  
南寧震怒。詠走廣南。自潯江發舟。距連兵厘五十里。趙  
印還胡一清以敗兵。同馬吉翔抵睦。賴繼請。

駕棄舟從陸。由土司安平下雷陣。一路進發。諸蠻各具糧  
餉。及從行官夫役。孫可望遣其將狄三品高文貴陳國

能來迎并致書從官云南寧如不守當如安隆

上從之李定國自率所部馬步精銳十萬出靖州可望怒  
定國雖朝廷東下湖南使為双礼馬達忠率兵五萬俱  
行陰以相制又使鄭國隨

駕所在防衛之文武隨行者水行至田州起陸由結倫土  
司界向鎮安山路崎嶇于路中土司各以夫役應給從  
官自九月起行各官家眷人口始行計三萬餘人在路  
逃亡病故及至安隆僅二千九百餘人閏五月始到安  
隆改名安龍孫可望令范應旭知府事主歲月康糧內自皇宮及  
文武百官所需糧米皆范應旭鄭國興提塘張應科進  
冊振可望逆賊孔有德自廣西以清兵七百騎出河池

合座作會

州向黔大兵駐柳州接應可望乃議進兵使馮雙礼率馬步八萬人由黎平出靖州馬進忠率兵八萬由鎮遠出沅州令于武岡以攻取桂林劉文秀張光壁由永寧取徐州白文選由遵義取重慶會於嘉定以圖復成都步騎各五萬人可望以疏聞

上封李定國西寧王劉文秀南康王餘各加公侯有差是時清將墨勒根蝦共逆賊吳三桂由洪中統馬步兵十萬入川據成都叙州重慶保寧劉文秀由烏撒播州攻西川吳三桂等戰敗退守保寧文秀既復成都又深入過滄溪蓬溪二縣清兵三路合擊文秀敗回可望請奪其王爵



壬辰永曆六年

上在安龍。西寧王李定國攻靖州。沅州武岡皆收復。逆賊孔有德退守桂林。李定國由西延大坪。疾趨廣州。擊清於全州。敗之。再擊敗于岩關。賊逃入桂林。秋七月四日。復桂林。誅逆賊孔有德。定國獲陳邦傳。并其子曾禹。送竹在誅之。九月。西寧王李定國復衡州。宗臣朱容藩自平樂陷後。避入辰州山谷間。招集僧兵三千人。又集義勇及潰兵二萬人。數出入于辰常境上。又胡一清趙印選曹志建馬寶等。自南敗寧後。尚在粵西。屯聚深山。聞定國至。各率兵來歸。民間亦多起義兵以應者。聲勢大振。孫可望亦至沅州。令白文選張原攻辰州下之。殺清

帥徐勇是時湖南齊然我兵四集長沙一帶清兵皆奔  
潰中原士民日望王師之至

己亥永清七年

上在安龍七月清帥啟程王率滿漢兵二十萬至湖南十  
一月三日西寧王率定國迎擊于衡州境上大戰竟日  
定國併走鎗首自率精騎三千追之去大營數十里過  
山險我伏兵起斬之定國收兵屯武岡秦王孫可望促  
定國退兵長沙定國不聽定國往自林入勝後兵四十  
餘萬戰象百隻親標鐵騎八萬行事不稟可望約束可  
望惡之又因為雙札與定國爭擒獲相持怨可望召之  
赴沅議事將以謀殺之定國覺其意辭不行遮率所部

終國賴盧作圖

撤盧作撤

精騎五萬人走東安金州以入粵。可望自率兵追之。滑  
折兵失大將。其別將終國賴等仍入寇寶慶。與可望遇  
於花街子。可望將中軍。馮雙札左軍。白文選右軍。楊武  
馮萬寶後軍。楊國賴見可望旗盡力攻之。殺傷相當。可  
望忽入楊武軍。諸營望見旗走。逆潰。惟兩雙札一軍不  
動。國賴登街州之失。不敢追。各引兵還。遂以武岡寶慶  
分界守。李定國畧定廣西。由懷集東攻肇慶。國之逆賊  
尚可喜。滑兵未獲相持不能克。時可望戰不利。還還  
辰州。劉文秀攻常德。圍十日。撤兵回。可望令文秀守  
雲南。而自來黔。每賊害宗室。益楚蜀避亂于黔者甚多。  
雖民間訟事。可望立意必以朱姓為非而害之。冬十二

月。

上在安龍。蓋害日食。覽衆自南寧遣使以後。滇黔二省地方官皆可望委任。予在文武官守將。承可望意。更相交通。

金銜國慶  
本作金銜國

上密與內監張福祥。金銜國曰。秦王侍朕無礼。朕欲密敕使人往西寧王營。冀出戮于險。福祥等承諭。即口奉。吳自毓等。于是自毓撰敕。因文安侯馬吉翔與鄭國張應科等交厚。先命吉翔向南寧祭陵。乃以林青陽充使命。冊封李定國為晉王。并召之迎。

駕復遣周官傳諭。時馬吉翔在南寧。有別議。新自定國營還南寧。言密敕事。且言定國得敕。感激流涕。不日且至。

安龍迎駕、吉翔忌俱、諷議新具報疏、言晉藩撫救感激、以交其事、又陰使從塘王愛飛報可望、可望怒、使鄭國倖、轉吉翔于南寧、令與行在官吳貞毓等料理、

甲永曆八年春正月、

上在安龍、是月初六日、孫可望遣指揮鄭國王愛見上、索首事之人、

上曰、此事不關安龍諸臣、國等怒目而出、至朝房、拔擊吳貞毓等、又入宮、掌內監張福祿、金銜國、宮中大震、鄭國既親貞毓等、以極刑拷訊、貞毓曰、凡事惟宰相主持、我約定國討可望是實、何與諸人事、然吉翔已預報一十八人姓名、某主謀、某具稿、某盜寶、羅織定案、即請朝廷裁

決

上不得已付廷臣公議至二月十三日遂殺刑部給事張

問元虛作元海

錦內監張福祿金銜國史通翰林編修蔣軋呂李開元

楊才作易才作

御史李順胡士瑞部郎徐極楊鍾趙賡尚蔡綬周允吉  
朱議康朱東旦任斗墟楊士佳總兵鄭允元陳慶瑞等

皆斬吳貞毓以大臣賜恤各懷慨賦詩安慰

皇躬而死百姓哀之後建祠以祭稱十八先生焉又立碑

其地題曰十八子成仁處可望愷定國益甚頌以方統

重兵在外不敢輕樹敵仍厚養其妻子於雲南定國亦

防可望襲之秋月晉王李定國即復廣東高州府

雷州廉州俱復又由高涼東攻陽春陽江下之遂進國

新會

紀永曆九年

上在安龍。晉王李定國攻圍新會。屢敗。逆賊尚可喜自新會西北高摩雷庫俱收復。順德以東賊兵據守。先是清帥敬謹王敗沒于衡州。清以逆賊洪承疇為五省經畧。駐師湖北。相視戰守。秋八月二十四日。清帥朱馬喇宜永往統滿兵五萬。田雄張杰率漢兵五萬。寇昌國。乘夜竊以舟楫渡金堂。平明。圍昌國城。定西侯張名振戰敗走。圍攻十日。賊兵被砲火傷數千人。糧不繼。欲撤兵去。城內有丘善長者。叛射書城外。約內應。至九月二日晚。城破。總兵馬泰、焦文玉、海得功皆巷戰死。名振兄名揚驤

老幼聞門自焚死。在城尚書張肯堂、李向中、太常卿朱  
求祐、部郎顧明輝等自縊死。尚書吳鍾璽、積薪于孔廟  
自焚死。清以提督高拱極兵三千守之。時戚虜侯黃斌  
卿已死。其下有安洋將軍劉世勛、武源將軍陶大宅皆  
自焚死。撫兵蔡鐵鞭迎戰于小南門。力竭被殺。撫兵馬  
信戰死于城頭。

兩 永曆十年春正月

上在安龍。晉王李定國圍新會日久。城中糧盡。食牛馬亦  
盡。逆賊尚可喜請清兵至。定國敗。回南寧。欲由安龍入  
滇。可望倚知。先使白文選促

上移黔。又令心腹葉應旗、隨文選赴安龍。于是合宮震動。



文選下浹曰臣可保

駕無虞遂以定國無他志報可望以車徒未集陰得還留  
數日俟定國至遂奉

上由安南衛而走雲南文選東回黔可望復使率兵至曲  
靖以邀宮駕文選竟與定國俱至滇可望使人責讓文  
選文選言定國挾制難與爭不若俟便緩圖為上計時  
守滇者乃劉文秀其都督王尚礼王自奇賀九儀等各  
兵萬人皆文秀所轄文秀亦意在保衛宮駕陽興三人  
密議城守而自以數騎往會定國曰我輩為貪官污吏  
所逼因而造反將朝廷社稷傾覆是我等有負于國家  
國家無負于我等即今

上是

烈皇帝嫡派之弟。不若同心共保。倘得藉滇黔以恢復中原。那時封妻蔭子。榮歸故里也。得個青史留芳。如只跟秦王胡亂作為。雖稱王稱公。到底不得歸正。但我輩今日以秦王為董卓。思董卓之後。又換一個曹操。定國指天自誓。文秀于是迎

駕入雲南府。時永曆十年夏四月也。

上在雲南。劉文秀倡言秦王尊朝廷。我輩當遵秦王以尊朝廷。

上居可望府中。各官依朝禮朝見。賜李定國晉王冊寶。劉文秀蜀王冊寶。艾龍哥子承業為鎮國將軍。管延安事。

白文選為鞏國公王尚礼為保國公王自奇為夔國公  
賀九儀為保康侯馬吉翔仍以文安侯入閣辦事又以  
晉王李定國掌中書執務金維新為行在吏部左侍郎  
兼部察院右副都御史龔葵為兵部左侍郎遣白文選  
往黔招可望回滇以各屬府縣錢糧歸戶部文官聽吏  
部陞選武官由兵部其各處鎮守都督提兵部司守備  
以及馬步軍兵悉聽定國統領調遣劉文秀以蜀王官  
招討起畧川廣可望以妻子在雲南蓄謀不敢動

酌永曆十一年春正月

上在雲南使東昌侯張弼送可望妻子家口三千餘人并  
金寶輜重赴黔或諫

上留之以繫其心

上曰昔楚項且不留漢高家屬宜朕以天子而為之對曰上不記安龍事乎

上曰在可望則可朕則不可于是聽其搬運絳絡千里車馬相望可望既得妻子無復顧忌遂大言曰上負我定國文秀叛我逆奪白文選鞏國公敕印決意反以兵犯關時可望所部七十餘萬諸鎮自楚越至者皆聚于黔前後定國歸滇者不及三萬人文秀所統滇兵亦少忽有此變亂消息上下震恐然人心忿恨可望而馬惟兵馬進志與寶三人以同姓稱兄弟為腹心又與文選生舉共謀助李定國乃從容向可望曰文選乃心替舊

# 行

人諸將才望無出其右者某等探知前在雲南初六不  
肯受封奈屢辭不允并為定國所脇不得已受之使其  
心果向外必不敢來既來而奪其兵則夫人心誠重用  
之彼必感恩同盡心力矣可望遂信其言即命湯雙禮  
守貴州乃以文選為大將軍總統各營兵馬領諸將前  
待自率大軍隨後晉王李定國將兵至三岔拒賊秋九  
月十四日文選兵二千餘至交水札營輕騎向定國營  
具言其事遂領所部盡歸定國定國疏請封文選  
上封文選為軍昌王遣文安侯馬吉翔賫敕印即視師與  
賞時定國文選距交水二千里可望至交水因總統之  
安欲引兵回黔為寶得為切齒曰我乃為跋賊所欺今

當手縛之，中食其肉，且一人去，何足為重輕而廢大事耶？為惟照又言：王部下戰將勇士甚衆，今文選一人有不為多，無不為少，值此處，兵馬做一個明白，可望又信其言。即令漢川廣張勝與馬寶等率兵四千，由尋甸間道至嵩明，以驚雲南。曰：兩首齊出，省城必虛。因使馬寶張勝武大定暗帶人馬由東川土司界上去，而自將兵與定國會戰。十九日，可望率精騎五千直冲定國營前，馬寶與先自奔走，全軍遂潰。可望逃回貴州，馬寶武大定俱投誠。惟張勝率兵直犯雲南時，城中精銳悉出，只老弱千人守雉堞。保國公王尚礼謀叛，應賊黔國公沐天波覺之，因同魏豹挾與入朝，以兵守之。王、安等拒戰，

詔盧作緒

於城外張勝燒城外民居而城中無應。六撤兵去。可望既敗走。定國慮有城。有失。使文秀大遶東。還自引兵。還牧根本。遇張勝於橫水塘。大戰竟日。擒張勝誅之。王尚礼服毒死。文秀大遶還。可望至貴州。而馮雙礼以定國舊有恩。逆詔可望曰。追兵至平坝。可望又信之。不及帶妻子。以百餘騎急行。曰。汝可斷後。並戴宮眷輜重。向鎮遠來。馮雙礼因載其子女玉帛。同文秀至雲南。

上封馮雙礼為廣陽王。馬進忠為漢陽王。馬惟興為寶賀九儀俱進封公。秋三品王會張光昇。以諂附。可望俱降。爵有差。冬十月。

上遣使問道渡海。封朱成公為延平王。張名振為定西侯。

命帥師討清、收復江南州郡、與湖南為聲援、時可望自  
青陽奔至鎮遠、僅七人、七騎、連夜走入靖州、舊有女眷  
百餘人、并標將程萬里等兵千人、盡奔武岡、先遣人到  
寶慶、向長沙報逆賊洪承疇軍前、初洪承疇至長沙、調  
兵入寇、已經三載、地或得復失、兵或勝又敗、終不能盜  
據湖南、心甚憂慮、聞可望欲降、遂大喜、時寶慶提兵許  
天龍、王平等、疑其有詐、嚴城守、承疇急下令督撫祖澤  
袁廓宇、及提兵官、皆速迎、可望于界上、可望至紫陽河、  
許天龍、王平、渡河相見、至寶慶、袁廓宇郊迎、至長沙、承  
疇率文武官迎于道傍、入公館、款宴三日、備車馬餞送、  
可望于燕。



成永曆十二年春正月。

上在雲南孫可望薙髮清封為義王并其子為將軍程萬里等二十二人皆章京牛祿使為嚮導二月清分遣楚蜀粵三路入寇貴州晉王李定國使將軍劉正國楊武等守三坡紅關諸要以防蜀使漢陽王馬進忠馬裔等駐守貴州四月二十四日蜀王劉文秀病卒于真慶國公王自奇永壽伯閑有才叛殺撫兵徐祐定國自率兵討之自奇為亂兵所殺執有才于永昌誅之是時逆賊洪承疇乘滇黔多故招誘湖南粵西各府凡可望將士兵卒令程萬里等為向導通之叛去甚眾而晉王部下五十餘萬前後數年攻討驍勇將士十死八九至王自

奇叛攻昌。又傷兵卒數千。青州遂不能守。四月。清兵自蜀至三城坡。劉正國兵敗。由水西奔回雲南。清兵陷遵義。又自楚至鎮遠。遂抵青陽。馬進忠等亦敗走。五月。清自蜀入寇。楊武戰敗于開州之側。流水清自粵寇獨山。川六月。

上憶吳貞毓建議冊封晉王。衆建諸侯以匡王國。机事不密。爲秦黨內監龐天壽所覺。遂起大獄。殺吳貞毓等于安龍。至是。命議礼部議。謚追贈共二十人。吳貞毓贈吏部尚書。建極殿大學士。謚文忠。宜興人。楊畏和贈太子太保。礼部尚書文淵閣大學士。謚文烈。快西人。鄭允元贈太子太傅。光祿大夫中軍都督府左都督武安侯。謚

武簡南直人蔣乾昌贈詹事府少詹事兼侍讀學士  
福建人張鐸贈刑部右侍郎南直人徐經贈兵部右侍郎  
江西人楊璉贈工部右侍郎江西人蔡綰贈通政司左  
通政江西人趙膺嵩贈大理寺正卿江西人李頌南直  
人胡士瑞江西人周允吉江西人朱議叟宗室各贈右  
僉都御史李開元贈左春坊左庶子兼侍讀湖廣人陳  
應瑞贈左春坊左諭德貴州人林青陽贈太常寺正卿  
湖廣人劉謙新贈光祿寺正卿江西人易士佳贈太僕  
寺正卿江西人任斗墟贈太常寺正卿浙江人朱東旦  
贈太僕寺少卿四川人是年春二月忠孝伯朱成公即  
鄭成公賜姓朱德

上自行在遣使冊封建平王并令進兵遂與之西侯張石  
振共攻昌國城清提督高拱極戰敗斬之獲其全軍復  
昌國衛三月張名振病卒部下將卒歸於成公成公兵力  
益盛浙直士民無不望其戮力

皇朝恢復疆土者秋七月清兵三路入寇滇黔其帥信郡  
王統旗兵由襄陽荆門涉瀘水期會于楊老堡至貴陽  
向烏撒以犯曲靖為中路逆賊吳三桂統部下將卒自  
漢中保寧成都至建昌以犯姚安為西路羅趙兩酋統  
旗兵自桂林慶遠東蘭泗城土司抄入犯牂牁沾邊盤  
江之南為南路

上賜晉王李定國錢出師討虜與馮雙礼等扼難公背

國優青州。定國別遣白文選將四萬人守七星關。祇生  
界次師。示向遵義。以牽制蜀來之寇。十二月。逆賊吳三  
桂出遵義。由水西以趨天生橋。入烏撒。白文選棄七星  
關。走回霑益。又泗城州土官岑總祿叛。導趙青入安龍。  
定國使懷仁侯吳子聖禦之。敗績。先是李定國欲統兵  
渡盤江。至倘塘。令文選守七星關。以堵禦貴陽之賊。丹  
遣兵將以助守姚安。乃發兵渡盤江橋。而江水自橋下  
忽涌。高上橋二三丈。兵馬不能渡。定國以羊豕祭之。次  
日水退。方渡。而水涌如前。再祭再退。三渡三涌。定國曰。  
天不使我渡此江耶。乃由盤江回師擊賊。戰敗于羅溪。  
凉水井。及聞賊兵走泗城。間道已至祿札站。腹背受敵。

遂撤兵回、令白文選守曲靖而自往救姚安、于路知姚安亦陷、遂與兵同行、在十二月七日、內監李崇貴由尋甸間道回、馬吉翔決計入緬、晉王李定國兵回雲南、知馬吉翔已定入緬之計、定國見賊兵三面且至、雲南猝難固守、不得已從其議、

上命黔國公沐天波、提兵潘世榮、先往緬甸、是日召李崇貴隨集東宮、十五日、

鄧士美、

同作士康以下生

車駕出城、諸文武扈從、吉王慈煥陪乘、松滋王儼、編華亭侯王惟恭、文安侯馬吉翔、吏部尚書鄧士廉等眷屬四千三百餘人、提兵新統武、領護衛馬兵一千二百、步兵二千四百餘名、依路進發、

皇明末造錄卷上終

東造錄  
下



皇明末造錄卷下

舊京孤臣金璫編輯

海濱遺民童本削定

入緬紀畧

己永曆十三年春正月四日

上駐蹕永昌下罪已詔晉王李定國繼上旋鉞待罪自請  
削秩不許初十日清陷雲南城二月白文選兵敗于王  
龍關初又選自雷益追及車駕同行定國留之斷後至  
是又敗賊兵以二月二日出雲南向永昌進寇初十日  
王國勛兵敗于普明十五日賊兵至大理之王龍關白  
文選張光翠陳勝等大戰俱敗由沙木河走鎮重土司

盧作勝述

總兵呂三青被殺、永昌聞報、使馬吉翔隨

駕往騰衝、晉王李定國伏兵潞江之高黎貢山中以擊戰、

十八日、逆賊吳三桂率清兵趙羅二酋等兵抵永昌、時  
景東大理鎮沅、以至永昌等府俱陷、白文選兵退至金  
齒、各營兵尚九萬餘人、僅揚武營三千人到、餘各散走  
山谷、二十一日、逆賊吳三桂等前軍過潞江、獲伏兵起  
以敗之、斬首數千級、羅趙二酋謂中國與服已止于此、  
不若就此畫界各守、逆賊吳三桂曰、草不除根、萌芽依  
舊、况李定國白文選皆百戰將、若非孫可望好誠、終界  
招徠、數年以來、精銳自鎖、則我等今日豈易到此、再據  
年載辛苦、所謂一勞而永逸也、眾酋始聽其言、忽有陸

再據年載  
作自據年載

賁生叛向賊洩李定國兵机云、逆賊吳三桂等乃分佈精兵先蹂伏處而大隊由正路入犯殺傷相當賊三桂折章京牛標數人晉王麾下著名望王璽二將亦戰死晉王知其謀洩走入南甸更扼磨盤山大戰殺賊追兵數千人逆賊三桂等駐兵南甸時

駕已到千崖馬吉翔請速行黑夜不識路徑方向走到天明猶在千崖文武各官輻重皆被各營亂兵刦掠次日尋上大路各家尋覓人口依序進發行至羅必思莊與順真甸交界平陽侯孫崇雅兵叛橫截道路其有隨行不及者皆為所掠二十六日至叢木河十里即交緬境先使人入諭始開關猶勒從官盡棄所攜兵器然後放

盧中作蒲縷  
以王曰

入先是一日在銅壁關外新統武帶兵三百餘私往京  
路自去而獲駕寒：不二百人至緬人阻關要去弓  
刀衆猶不允滿縷曰必是見我奇人多生疑不若棄去  
以釋彼疑吉翔曰我等今在關外倘閉門不納則進退  
兩難于是二人矯傳上命去弓刀充塞道路緬人恰  
取以去是日進關至蠻漢土司思綿進入土城書為宣  
撫司屬永昌自萬曆三十三年緬酋請救于中國不為  
發兵後緬酋竟絕貢始占據其地又原遣沐天波潘世  
榮復來迎見

上慰勞之緬宮迎接貢獻二十九日

上駐蹕行營沐天波與皇親王惟恭內監李崇奇等計議

海虛作船

保 東宮進茶山

皇上入緬 東宮在茶山猶可調度各營即

上亦可藉外兵之勢相應援不則孤軍深入內外不通不可不慮 皇后不允二月初一日至河濱緬酋以舟四隻來迎一時舟般湧貴小航非十金不得緬人言可赴馬疋往陸路船到彼地時陸路亦到其文武眷屬在騰越尚有四千餘人至是查點只一千八百七十五人舟行者八百九十六人陸行者九百七十九人馬九百四十五匹初四日馬吉翔江國泰各催舟隨

上起行

太后 東宮候緬舟二隻于初六日方行諸文武先後覓

舟至初八日盡行岷王及提兵滿世榮太僕寺齊璵內  
監江國泰又帶有兵千餘馬二千匹俱由陸路期會于  
緬甸十八日

上舟至井梗地方是時李定國已自潞江走孟良白文選  
走木邦朱榮文選又率兵入緬緬使人至井梗報稱我  
滇黔護駕兵數萬于路驚惶緬人求檄止之文選欲攻  
戰又恐

上在內不便扎營數日走向孟良而去是日衆文武于  
上舟前計議有行人司任國璽鄧凱顏賁敷行次日報各  
營退去乃敕敕不果行三月十九日黔國公沐天波率  
亭侯王惟恭尚書鄧士兼提兵王啟隆滿纓等集樹林  
亭

下沐天波言緬酋待我等日薦無禮不可深入不若就此履走護勒沙向孟良孟養界上去由大撒可達交趾馬吉翔曰

皇上三宮交付衆位我從此不啻保護事衆乃太息各散後知吉翔之國在先有約是以定國撤營往安南時云只管入緬俟我有的寔真信方可出來及偵探人報到始知白文選兵已先于本月初六日抵阿哇城下迎駕不遇扎營五日其路程相隔不六十里探事人不得知車駕所在遂起營去又探得我衆姓家眷走旱路者滿世榮齊環等被緬人知兵士無鎧甲兵器于路掠殺或分給土人為奴多自盡此是有家眷者行二十來日彼蠻

方動手其單身無妻子者岷王之子并衆有八十人行  
有一月多路彼處有一小國緬國昔年發兵征之方順  
近日聽知天朝有兵入緬彼處又反彼國人與單身人  
言我國王為緬所壞汝等可在此幫助我俟兵到日同  
出迎戰故多人皆留住其地衆姓走陸路者三月十七  
日又有幾百到阿哇城隔河者并梗地方下營緬首疑  
係圖謀應援者發緬兵圍之損傷我許多人其未死者  
分散各處去四月變漢又來報有將領初三日英勇之  
極今以兵來迎其美馬行糧已備請新往諭馬吉翔見  
其來意和緩乃舉錦衣指揮丁調鼎考功郎中楊生芳  
二人往後至五月望後方還吉翔又傳諭守關者言



駕已航海往閩自後我兵來不許入緬云五月初四日緬酋差緬官十二員龍舟二隻鼓樂迎導初五日離井梗初七日到阿旺城隔河扎營初八日到者于梗地方平坦處蓋茅屋十間為

上行宮以竹編圍四面如城我兵每日百人輪班護守各文武自脩竹茅結屋四周初九日緬酋進貢極脩方物上亦賜緬人金帛緬人言稟過王子再來領是月差御史鄒昌期提兵馬雄飛入緬城以國璽對驗及見黔國公征蠻將軍印方信曰萬曆三十三年其國以壻奪藉土地請救于中國中國不肯以兵救遂罷貢至今五十五年矣二使臣亦未見緬酋而歸二十一日御史任國璽

李本在祖  
李本在祖

奏進設一廠每日輪派官一員查點護衛兵後夜則支  
更巡守其官員前列燈毬火炬隨從提壺挈杖以為常  
有通事原係雲南昆明縣人一日對靖東將軍魏豹言  
巡夜以防小人今燈<sup>大</sup>謹如此何能巡緝小人前日入  
閨時若不棄弓刀衣甲則緝王已准脩遠迎矣到如今  
識破行藏而今又如此光景則外邦益輕中國矣但不  
知大明一統好江山因何輕易失與流賊又失與韃子  
我外邦已久聞中國有文戰大將曹文詔黃得功祖大  
綏黑雲龍左良玉等兵馬也有一二百萬即洪永時也  
不是等閒的目今承疇三桂為何又替清兵來做大帥  
要滅主人魏豹遂將洪吳二逆賊事實一一說與通事

通事曰：忠臣不事二君。犬馬猶知報恩。你中國出了這些逆叛壞人。天下如何不失。只今晉王李之國。白文選等。又吃虧。孫可望自家內裡爭戰。以致滇黔失陷。來我這地方避兵。我看這許多老爺。越發不像個興王。國霸的人。就有晉王。也是一木難支大廈也。通事見馬吉翔同沐國公。即辭去。八月十四日。緬酋傳要沐國公過河去。并索五月答貢禮物。

上賜以金鼎杯二隻。絲緞紵絲各二十疋。沐天波至緬城。與緬國土司官一體見。緬酋上坐。點首含笑不語。天波不獲已。從之。歸而大恟。衆官多譏議之。天波曰：舊日外邦蠻夷入貢。酋長至黔國府。皆前留拜跪階下。不敢仰

視至今而反屈于彼。因我國君臣避難失勢。如強執不從。恐禍生不測。今又衆怨于我。及詢訪通事。始知緬俗。以八月十五日。各蠻來貢。是日要沐天波送中國禮物。以張威勢于諸蠻。時有禮部員外楊在。行人司任國璽。各具本勅奏天波。辱國留中不下。是月。

上病足。緬俗信禱祀。而無醫藥。日夜痛楚不安。諸臣于竹城之外。四方造亭四所。每日譙飲不休。

上聞而怒。使小閹傳諭切責之。着錦衣衛趙明鑑。將亭拆去。九月十九日。緬酋進稻穀。

上命分給文武官。十月。禮部及監員進新曆。是年六月。延平王朱成公。統水師三十萬。由崇明進次洋子江。克復。

徽堂作數

鎮江及瓜州大敗清兵于金山龍潭斬馘五萬餘人遂  
攻圍南京城刻期恢復沿江一帶州縣望風歸附七月  
清提督卽廷佐繳調松江提兵梁化鳳入援化鳳初已  
抒誠于我率兵至丹陽因放化鳳過入南京城後來成  
公日久懈弛放兵四出梁化鳳忽心變出不意夜襲我  
營成公因戰敗退師士民失望孝廉鄒延琦悲憤疽發  
背而卒

子原永曆十四年春正月朔

上在緬之補梗各官朝賀免朝二月晉王李定國及白文  
選合兵攻緬索迎宮駕不得大敗緬兵于瑞羊岳七  
月緬酋請沐國公過河沐辭不去緬使曰此去不似先

瓜蜜作刀錢  
作口槍

前及見時、苗降階鞠躬列坐、通事傳言、乃知我各營兵  
又將近阿哇城、李定國、白文選、初三昇等各統所部于  
永昌鎮、沅順寧三府、大勝清兵、欲圖恢復等事、九月、晉  
王李定國本到迎、駕云、臣自磨盤嶺至今、前後三十  
本、未知曾到否、今與緬王相約、以何地方交遞、其時緬  
酋差人送本、諸臣遲疑、在內並未計議出緬之策、緬官  
求教一道、即去、其迎駕各營兵、久候無的、實又拔營而  
去、十月、遣官詢緬民兵將情實、緬民云、中國各將官只  
知在緬地方聚落焚掠、即要我國贈象、幾隻、兵馬糧餉  
相助、也要好講、奈一營去、一營又來、來時又不著定跟  
尋、好瓜、就動刀錢、村民遠近逃匿、從何知得一個信息、

時禮部侍郎潘珙有弟瑛能絕語每多飾說以悅

上意御史鄧昌期馬吉翔奏稱其忠貞可嘉行李蕭條

上賜黃金三兩陞河南道尋改兵科給事烏沙知府王祖

望善岐黃中宮有病召入用藥病痊命下吏部將王祖

望補用吏部以戶部浙江司擬復

上命改擬回奏以主客司銜復之始依用太常博士鄧居

詔一本為停止不悉之務仰祈脩省等事內有侵馬吉

翔及各員自銜自錄而未嘗有一言盡善策以求出紕

等語旨下該衙門知道是日以任國璽為江西道御

史鄧居詔知國璽附吉翔以求轉御史遂一本勅國璽

而國璽亦一本恭居詔

上召面質在緬日久大臣有危日不火或三日無吹烟者  
馬吉翔奏之

上頤內無餘物將寶璽付掌庫司李國用命碎之國用叩  
頭曰臣萬死不敢碎此寶次日吉翔國泰二人將黃金  
寶璽鑿碎散給貧乏各員時有得二兩一兩以至八錢  
不等通判王昇斷炊五日辭金不受

上以鄧士采為史兵二部尚書先是十二年春任國璽一  
本請東宮開講奉旨秋涼舉行後以邊警日急入  
緬又經一載餘至是旨下任國璽有何書可進呈覽  
國璽將尔木集要上之璽內監李崇貴得乃監府副  
承奉每清東宮請書又將養正圖乃萬曆初大臣纂註



古帝王政定可為勸戒者勸。東宮省玩索貴當向人言。歷朝皇帝多壞在我輩。幼伴東宮誘引戲耍。選樂及長大登位。日以教色玩好犬馬珍奇。盡惑心志。疎遠賢臣。不省正道。今國泰所為亦如此。

辟永曆十五年春正月朔。

上在緬甸之牯梗。百官朝賀。元朝二月二十八日。華昌王白文選。竊遣緬民至牯梗。入奏云。不敢領兵進進。恐緬人害上也。必要他自送出為上策。

上諭諭以奇兵來救。切。及後白文選等九營兵十三萬。札營於阿摩城對河。放大砲。准定攻城。終以不知。車馬在何處。遂不敢攻。先是正月。晉王李定國與緬人戰。

李愛作王啟隆

於洞泊白文選助之大敗緬兵殺數千人。緬終不肯退。  
駕出洞泊與諸梗尚遠并梗與諸梗而地隔一大河相去  
七十餘里。山林曲折隱蔽彼此阻絕不通。河闊水深湍急  
無一船筏。我兵已搭浮橋。緬兵在忽折去。再十餘日。緬  
人言兵又去矣。三月有忠義勇士陰與數十人歃血要  
把東宮搶出。故開一路而去。去時定殺吉翔。因泰机  
洩國泰言。翔乃奏云。這一夥人結盟投緬。

上着錦衣衛密查。內有沐國公家人李性。勇力千斤。善使  
三十斤鐵鞭。前入緬時。藏鞭在身。未幾。緬兵王啟龍家  
人李愛亦勇而精用雙刀。此二人皆令其主即時處死。  
其餘人不究。先是永曆十年。有沅江土官欲請緬兵救。

盧本任累解

紀彼可開緬甸地方為一省，置立府縣。時馬吉翔欲土官廟萬金，議至八千，吉翔不允，遂寢。其事滿，曾為居間講說，今見緬酋欺凌已極，遂追悔從前吉翔貪金貽誤而怨恨之。二人爭鬧，衆始知之。五月，江西道御史任國興一本為時事，三不可緩事，上年一本請為東宮開講，期年不行。今日危如累卵，禍急燃眉，不思出險，當日定計入緬者，馬吉翔也。若請書乞頒科道侍班講軍務，則當沐國勛臣皇親等。

皇上為天下計，奈何吉翔議入緬則入緬，吉翔允釋戈甲則釋戈甲乎？吉翔無以解。次日，旨下看任國興獻出緬計策來。國興又一本云：能主入緬者，必能主乎出。

卿若當日先無出卿之策、何以敢決入卿之計、今日事勢如此、則卿有子言事之人矣、次日、主客司王祖望、傳上卿居溫、各其奉勅吉期、是日

上傳化即自外移在于東宮講書、傷在飲賜笑曰、古昔三公坐而論道、今之侍講侍讀、蓋微古意而名官也、

上聞之、命講官坐講、楊在見與真內監李崇貴立于旁、不使坐、次日、傳賜與聖主、崇貴同奏曰、今日雖處亂、禮不可廢、日後知者謂

上賜不知者謂臣欺幼主也、自後每講與聖乃出宮、五月二十三日、卿自以弟奔逃、白剛強、乃以老避位、讓弟代、以來崇貴懷忠、以其事不泄、遂不違賀、七月初七日、復

守緬官與通事來言彼在此方苦三年當獲重賞

上及衆官以日久空乏無以應緬官含羞忿而去十六

日緬官請人出數位過可議事衆官推延未去十八日

緬官又來以此行無他我上子伯你中國人不懷好心

請上吃咒水即盟誓也盟後你們好過河往來若只在

此土守連日用也艱難十九日馬吉翔工國恭議大小

官員俱回去准判三小內臣一老年走不動者及病不

能行者數人而已過河者到亡時有緬兵三千將諸臣

所坐地圍定乃曰尔漢臣都出來吃咒水有一人不出

來就砍斃判死衆人猶豫欲與相敵手無寸鐵且慮

上及官聞難處共思吉翔當日不應決計入緬既誤入緬

地又不該拋棄兵械遂至日中只得棄衣出出則俱被害  
是日

上聞訖與

太后 皇后皆欲自縊隨侍曰

上固欲如此奈有 太后在少頃縊兵入宮未敢傷人只  
掠財物而兩貴人及宮女在各官妻妾于賊未到時俱  
自經死至日暮有通事引前緇官至喝其兵曰有令在  
此不可害 皇上與沐國公而沐國公已過河死矣吉  
王慈陰自縊死緇官又請

上移住沐國公府計查所存人口共二百四十有七被害  
王公及文武諸臣共四十九人松滋王儼錫宗室朱儀

張默國公沐天波華亭侯王惟恭文安侯馬吉翔撫兵  
滿繆馬雄飛尚書卿士兼閣部郭之奇禮部員外楊在  
大選司員外楊士芳主客司王祖望張伯琮戶部郎中  
葉廷謨武選司主事郭璘御史郎昌期任國英太常博  
士鄧石詔學錄滿璜典簿薛應選通判王昇數人安朝  
柱陳謙靖史將軍魏豹數人撫兵王啟龍數人王自京  
龔勛錦衣衛任子信張拱樞丁調鼎宋衡相劉相吳永  
爵宋國柱鄭宗宰前廣銀秉筆監李應芳司禮監江國  
泰李茂芳典策內監李崇貞內官監楊宗華楊強益沈  
以周失慮失曾失張伯宗此張氏兄旗號吳士自盡  
于諸使者二十一人撫兵熊洪錦衣衛趙明鑑標將姚

名黃秩王大雅李泰吳永胤王國相鄭文達朱文慰李  
既白凌雲尹襄嚴州紫凌戚千戶朱秩吳秩百戶劉秩  
鴻臚寺序班宋國相李秩廖秩亂後相繼亡者三人東  
華蓋李猶龍李國用蔣進朝臣下未遭亂而病死者八  
人潘琪薛環朱仲三人死于王名偉子于康瑞昌王劉  
憲忠蘭名劉秩徐鳳翥四人俱死婦女之自盡金節者  
十三人劉貴人楊貴人吉王妃張氏以上俱死松滋王妃  
皇親王國華妻姜承德妻以上俱死王啓龍妻吳氏姜周  
氏自縊吳士妻自縊馬吉翔女四人自縊大理卿齊  
環妻投水又有通政使朱蘊金自縊中軍姜承德自縊晉  
王麾下總兵潘世榮向鼎忠溫如珍范崇礼四人手殺



數輩而後死。又副將兵馬陳孝太建、張龍三人俱于十五年馬吉翔令出緬以通兵信。緬人殺之于路者。又親豹妻屠氏任國室妻、吳承爵妻三人先于十三年二月由旱路入緬被害。知名者附記于此。外有錦衣衛諸員入緬者百人。後先相繼死。皆未詳姓氏。又有文武家眷婦女百餘人。于緬賊未到時。皆從客就義。死甚烈。祇以死在寧漠。無從詢考其姓氏。故不能備載。亂後數日。

上命葬埋死事諸臣及卽烈諸婦女。以每家為一坑坎。各以衣衾累覆平鋪。不令縱橫重疊。皆以深阱。上築此土。不封不樹。恐留識認。父後伐掘也。自十九日至二十四日。斷烟火。有各寺緬僧獻食。二十五日。緬酋仍修營原。

屢請

上入內廷，進貢米食等物。二十五日，又進鋪蓋銀米布帛等物極多。乃曰：我王子無此歹意，只因中國各營在外，殺害地方，民心深恨，皆衆民所為之事。八月，晉王李定國以十六舟攻緬，後為緬所敗，覆五舟，乃與白文選俱引兵還。至九月。

上病，繙首差醫來調理。時宮中乳諸臣家大小男、女、未遭兵傷者，俱相繼病死。十一月十八日。

太后病重。

上曰：天意若不祚我明，朕死于此也。然只是。

太后骸骨，何時得歸中國？故上又云：翠昌王白文選，朕甚。

質之。他有許多功績，未曾封他為親王，只他于前月統兵入緬來援，但隔絕于此，不得知道。又嘆滇黔百姓，六師在彼，苦累多年，今洪承疇吳三桂二逆賊，領虜兵在彼，又不知百姓如何苦狀矣。十二月，逆賊吳三桂統兵入緬，要緬酋將官駕送出。十二月初三日午後，有三緬官來見。

上曰：此地不便住，請移他處。你中國兵已近城，我國有調來兵馬，必由此經過，恐驚駕。言未畢，數十緬酋將上連御座抬出。

太后悲泣。

上行未二三百步，即有轎三乘來請。

太后 中宮 東宮皆乘輜其宮內大小男女御物俱未收帶各官家眷尚百數十人跟走不及後亦不知其下落行走一二時以船渡過河時天已昏黑聽有人馬來往目中不能辨識是何兵至二更時到營乃知陷賊營中矣次早歸老營行百里初五日往北初六日復至阿哇對河扎營二日已安架大砲欲攻城初九日忽傳吳三桂令起營回滇即日長發大小人等子路皆有馬匹上乘輜

太后 中宮 東宮共輜四乘賊營將軍提兵章京將領並擁隨

上輜行早晚進膳云奉吳三桂令極整齊盛以金銀盤盂

鮮服鋪蓋，皇親宮女等人等，均有衣被，一路早晚有數十人供奉，皆吳三桂家人云。

太后一日問一小侍：汝家吳王在此，何不來見？小侍曰：每常在。

皇帝向前，雖在非常，多官將中，認識不出，但坐褥見貂鼠，不與別人一樣，又有許多蝦子跟隨。東官曰：孤令十五歲者書史，古有以烏紀官者，虜又以虫類紀官矣。我父子君臣，正所謂龍遊淺水遭蝦戲也。先是三月，逆賊吳三桂以兵勢唱緇，而緇首聽吳三桂之說，遂將官駕送出，三桂曰：拔營回漢，是時李定國拒磨盤山，先後與賊兵大小十餘戰，欲迎復。

東興終以兵少粮乏孤軍無援遂走入孟良孟定八百媳

婦等處以圖恢復

壬戌永曆十六年春三月十三日

上回雲南城各官出郊迎候

上入公館各官進見

上閉目不視奏語不答四月二十五日

上暴崩東官亦遇害是日晴天無雲忽霹靂大震雲霧

塞天大雨平地水深三尺滇人老稚悲慟逆賊吳三桂

營中有割鮮欲討賊反正者萬人机洩俱為賊所害共

見有黑白二龍上騰天際云

太后中官同日自盡我大明一統之中華古帝王相傳

之天位至此難于紀次矣。嗚呼痛哉。六月二十七日。晉王季定國聞。

駕崩。不食數日。卒于猛臘。國姓成公亦卒。諸子擁護。魯監國子孫駐兵臺灣。以永曆紀正朔者三十五年。後叛將劉國勛施琅等降清。諸王子自盡者六人。

高皇帝龍種潛鱗。蒼山碧海間。不可得而見聞矣。

孤臣金鍾曰我

永歷皇上以仁慈之主登極于傾覆之秋內過跋扈扶持  
之元兇外當引寇弑君之巨逆事極難矣然使以楚  
川廣之版圖不陷則財賦兵甲猶足經綸孫閣王陳  
之叛亂不生則事勢人心尚堪戰守更得文臣如瞿  
式耜何騰蛟武臣如焦璉李定國數人嘗膽卧薪陳  
即鞠旅博收智勇異能之士以誅亂討逆則天下事  
尚可為上比跡于少康光武下而晉宋東南之業可  
坐定也奈孫可望以獻賊餘孽始而脇請王封繼之  
蟠據要害所以未遑殺逆如莽操者以定國兵威足  
以制之耳卒之刳鴛鴦稱兵命逃叛亂而半壁山河



後隨可望而陷迨湖南而廣達沅而漵然一隅上堵  
民貧賦稅不足以養兵堂澳不可以禦寇矧苗蠻雜  
處人心易合亦易離維

聖主數用忠臣盡瘁一木固難支大厦矣若夫舍里入緇  
本無逆策浪興有成之倂聚竟等車駕于孤注且  
自棄戈甲徒手蹈險致奪之國等外兵不得入入而  
一河之阻聲息不通遇難諸臣相繼殞命即昔王孤  
軍百戰豈能收虞淵捧日之功哉嗚呼國無不亡寧  
為玉碎毋為瓦全哉

皇上 東宮烈日難犯不少蒙殫垢此

烈皇帝爭光美而試逆大熱車射虎以攻父母滔天之惡

虛本戊午作

戊戌

未有如吳三桂洪承疇之二賊者也 又曰自戊午

十二月

懷惶作倉

皇上及文武諸臣惶惶去滇避亂異域壬寅三月出師歸

皇

滇凡三載三月朔政難以系紀然 國朝不運存亡

繫焉戊戌以前人思舊德家國王章政事刑賞紀載

猶備臣惟於繼立接續首事之時擬其大要及乎入

緬後地僻荒遐教忘阻絕語言不通舟車半至于此

不動採輯則無傳無傳則十載下獄如帝禹秀夫作

禹弟于崖山不可得矣故紀入緬者亦猶宋之崖山

也紀出緬以入滇者亦猶帝禹秀夫之叱于海也烏

可以無紀耶然入緬以後非身經險難危從在緬躬

親目觀之人則其言不足信。經險難流離而非目餘  
生以呈瑞故上者則其言傳而無徵信而有徵矣。使  
其大義不明則一字之是非失千載之曲直。其此三  
難而不得不辨析。以傳諸紀載不更難耶。臣鍾採訪  
其事約畧紀之難。事之所開異辭而不異者自在  
所謂同者從同也。一人之始終異操而所以異者自  
明所謂異者從異也。歲在乙亥清入關餘五十年而  
皇明之亡三十三年矣。鍾江海餘生恐世遠言漂人亡  
蹟長後有作者異世下欲尚論其事而無從。幸從歲  
遊、滇南人言緬中事甚詳。及魏將軍子博稱幼經  
難後隨家人出緬更有江右僧昔在扈從以破俘刺

度系金陵兼詢五原錄其事之實而言之確者俟後  
之君子參訂云爾

乙亥春三月詠臣金鍾謹述

遺民重本曰我

皇明勝前朝者十事先臣言之詳矣至一代之始終興廢  
乾綱獨斷非臣下所能賈裁者先臣固無從覘計而  
預論之也時俗之論孰不曰我朝之開國類漢祖守  
成類孝文而末造之厄於虜患不能恢復舊物也類  
南宋諸帝此言近之寔則不然漢祖誅暴秦滅強楚  
高皇驅胡元截偽漢功似相埒而暴秦非胡元比也秦殘  
一代之黎民元盜百王之區域罪之大小既殊則功  
之高卑亦異况漢祖設爲儒生而  
高皇帝甫下金陵卽禮聘四先生以開文治規模宏遠非  
漢祖可侔矣故天生

孝宗皇帝以上指之姿而篤好主激存誠之學愛動惕勵  
十有八年衆正盈庭群衆徧德道播於甲戌成康而  
隨孝文之尊師黃老矣盛極蒙開內外多政馴致甲  
申之變

烈皇帝躬殉社稷上報

高皇帝古未有也至末造瘡危流離於浙閩播徙於滇黔  
祚不及臨安之綿而禍似厓山之酷數天之下叩雪  
窖而泣冰天者曷有杜哉雖然殉國諸臣聞關戰守  
如史可法黃道周張國維瞿式耜盡瘁捐軀九死稱  
壯可方宗之文信國陸丞相黃潛功李定國孤軍百  
戰可方宗之張元帥此人臣之分後先一轍也若君

道承乾采危履正則我 朝末造

諸帝有非季宗諸君可彷彿者卓莽微臣有特見焉當  
國都之家屢聞賊也變出非常而都大臣臨節不奪  
者獨史可法一人而不得主定策之任

新君正位宰相從戎旌歸馬阮

帝無大夫德將為匪人馬士英等所掩蔽以致傾陷舊京  
愴梓遇難甘心玉碎較靖康之舉族北轅者異矣斯  
時浙淮 監國而閔立

思文而不相閑供秉事變即諸臣立分向背而一姓本屬  
同心西與倡義之師數十萬人雲集江上外摧強寇  
內護行宮血戰經年國威稍立國諸老臣報國之忠





大臣推戴

太后猶曰仁未不足以撥亂宜更擇親藩英明神勇者立之  
固無心於天位矣禮式部等再上箋而權者監國三  
上箋而正位九重當躍而躍當飛而飛皆天令人心  
所維繫

祖功宗德所憑依

先皇帝有安天下之志無利天下之心也當是時委任式  
相以經邦推轂勝蛟以討賊致書魯監國叙親王  
之至誼教命諸大帥計匡復之遠圖文經武緯東道  
握機古大有為之君豈是通哉第版圖喪十之八九  
止存粵西滇黔一隅而吳三桂洪承疇孔有德尚可

喜指逆賊復率虎狼以犯君父天下忠臣義士無不  
飲食肉寢皮而國當倚弱之餘若杜重雋返之勢僅  
留殘疆剩土以憂勞

聖上豈忘全盛之金甌願不足奮揚威武耶逆由肇慶而  
駐蹕桂林魏式招何騰蛟堵胤錫等相繼死節大星  
隕而諸葛孔明山之師卒難興復洪室矣不得已復  
封可望 移蹕安能遽非

先皇帝之本意時當失亢豈能藉此地以復舊業哉然而  
天心一日未改

廟社一日可延則人主有一日不可弛之重任故女龍教  
哉死節者二十有二臣雖不免有悔而鎮靜當之此

先皇帝之善於處危者也幸有定國之忠蓋善戰新謹前  
誅有德豈可喜大張國伐定國足守關外爵比親藩

護駕入濟

皇輿復整命將出征孫可望七十萬之衆一日去逆未歸  
亦足見人心之效順矣唐氛四通倉卒幸賴主之  
有馬吉翔而李定國等亦以捲土重來孤忠足恃

先皇帝豈不知事勢至此萬不可為與其復除盡却不若  
待盡中土耶其奈臣庶之歸仁景附太王之避狄不  
特隻身從王其安孥亦不肯一息陷唐跋涉蠻邦流  
離道路甚至斷首受絢首之戮肝腦塗地累無怨叛  
之心

先皇帝固不忍早絕臣民而自為之計此又善於處元者  
也且崩沛之時東宮開講賜主陳行千古之願也  
諸臣既死危亡旦夕間海內亦子遭害賊奴念之不  
置即先在漢日還可望妻孥不聽諸臣禁留之請皆  
不為利害所動而獨存天地之仁樹名師之執者也  
彼晉王定國曰我不曰赤心捧日謂非

先皇帝過化存神之澤足以激其捐軀報國之忱乎然慈  
祥者或損威嚴德惠者未能剛決曰濟之日倘

天顏稍假虐不且以胡元之侍德祐者侍我

先皇帝耶主桎常尊天威難犯辜夷不容於維虛會歎

不可與語言

先皇帝付之不視不聽已不當寸磔元兇烟消異類神武

昭於宇宙矣逆賊徒肆開天之惡而

宸衷坦化於太虛先臣高攀龍有言曰吾輩此時有一毫畏死之心則害道有一毫求死之心亦害道斯言也

可作

先皇帝寔錄矣安龍轉機之時未可死斷不輕死出紂曰

真之日不可生斷不倖生此

先皇帝之履允執愷示百世以尊陽之義授普天以討賊

之權者也微臣故謂

先皇帝之潛蹤飛允無不準踏乾道者以此是我明

高皇帝之開創

敬皇帝之守成

烈皇帝

先皇帝之殉國皆非三代以下諸君可比其餘屬在五鼎  
者因不抗節松筠潛麟山海祇有起義師之末容藩  
並無拜犬羊之趙孟頫孰謂始基僅等西漢而末造  
竟類厓山也哉雖然

高皇帝

敬皇帝之末景運而陳常立極也易

烈皇帝

先皇帝之遭險難而成仁陷道也難

乙亥秋九月朔東海遺民重本稽首拜手泣誌

東友潘伯寅藏有壬午集盧雅  
雨手抄本謄寫奇寶今於敝肆  
購得此書抄手甚精惜訛字頗  
多因借廬本逐條校訂俾得此書  
成一善本亦快事也

壬寅三月 瓶生記